



Broj: 10/E-11-2752/24  
Sarajevo, ~~04-09-2024~~ . godine

Na osnovu člana 69. stav (2) tačka a) i člana 70. stav (1), (4) i (6) Zakona o javnim nabavkama BiH ("Službeni glasnik BiH", broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Snabdijevanje električnom energijom za potrebe Općine Centar Sarajevo, putem otvorenog postupka (Zapisnik o pregledu i ocjeni ponuda broj: 10/E-11-2752/24 od 26.08.2024. godine), Općinski načelnik donosi:

### **O D L U K U** **o poništenju postupka javne nabavke**

#### **I**

**Poništava se** postupak javne nabavke: Snabdijevanje električnom energijom za potrebe Općine Centar Sarajevo, putem otvorenog postupka, iz razloga što nije dostavljena nijedna ponuda u određenom krajnjem roku.

#### **II**

Ova Odluka objavit će se na web stranici Općine Centar, [www.centar.ba](http://www.centar.ba).

### **Obrazloženje**

Postupak javne nabavke: Snabdijevanje električnom energijom za potrebe Općine Centar Sarajevo, pokrenut je Odlukom o pokretanju postupka javne nabavke putem otvorenog postupka, broj: 10/E-11-2752/24 od 31.07.2024. godine.

Obavještenje o nabavci broj: 848-1-1-82-3-131/24 objavljeno je na portal javnih nabavke dana 02.08.2024. godine, a sažetak obavještenja objavljen je u "Službenom glasniku BiH" broj 54/24. Predmetna nabavke nije podijeljena na lotove.

Procijenjena vrijednost javne nabavke bez PDV-a iznosi 148.180,52 KM.

Komisija II je na sjednici održanoj povodom zakazanog javnog otvaranja ponuda dana 26.08.2024. godine, u predmetnom postupku javne nabavke: Snabdijevanje električnom energijom za potrebe Općine Centar Sarajevo, evidencijski broj: 10/E-11-2752/24, u Zapisniku o otvaranju ponuda broj: 10/E-11-2752/24 od 26.08.2024. godine konstatovala činjenicu da na adresu ugovornog organa, Općina Centar Sarajevo, nije dostavljena nijedna ponuda u određenom krajnjem roku (26.08.2024. godine do 11:00 sati) navedenom u obavještenju o nabavci i tenderskoj dokumentaciji za ovu nabavku.

Odredbom člana 69. stav (2) tačka a) Zakona o javnim nabavkama ("Službeni glasnik BiH", broj 39/14, 59/22 i 50/24) propisano je da je ugovorni organ obavezan poništiti postupak javne nabavke u slučaju da nije dostavljena nijedna ponuda u određenom krajnjem roku.

Slijedom prethodno navedenog članovi Komisija II su na sjednici od 26.08.2024. godine jednoglasno donijeli odluku da Općinskom načelniku predlože da u skladu sa članom 69. stav (2) tačka (a) Zakona o javnim nabavkama („Službeni glasnik BiH", broj 39/14, 59/22 i 50/24) donese odluku o poništenju postupka javne nabavke: Snabdijevanje električnom energijom za potrebe Općine Centar Sarajevo, o čemu je sačinjen Zapisnik o pregledu i ocjeni ponuda broj: 10/E-11-2752/24 od 26.08.2024. godine.

Općinski načelnik u postupku predmetne nabavke nije našao razloge niti nepravilnosti u radu Komisije II koji bi bili osnov za neprihvatanje prijedloga Komisije, te je u skladu sa članom 70. stav (1) Zakona o javnim nabavkama nabavkama ("Službeni glasnik BiH", broj 39/14, 59/22 i 50/24) donio odluku kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH, Filijala/Podružnica Mostar, putem ugovornog organa, Općina Centar Sarajevo, u roku od 10 (deset) dana od dana prijema ove Odluke, a shodno članu 101. stav (1) tačka d) Zakona o javnim nabavkama ("Službeni glasnik BiH", broj 39/14, 59/22 i 50/24).

Prilog: Zapisnik o pregledu i ocjeni ponuda  
broj: 10/E-11-2752/24 od 26.08.2024. godine



**OPĆINSKI NAČELNIK**

Srdan Mandić

Dostaviti:

1. Službi za zajedničke i tehničke poslove
2. Kabinetu općinskog načelnika - Odsjek za javne nabavke
3. Evidenciji
4. U spis